

March 20, 2016

Domingo Ramos:

Paulo ti Leksion 17: TI BALLIGI TI MANGISALAKAN A NAILANSA ITI KRUS

Daan a Tulag: Dagiti Salmo 118:26

²⁶ Nagasat ti umay iti nagan ti Apo!. Bendisionan dakayo manipud iti balay.

Baro a Tulag: Markos 11:1-10

Ita idi umas-asidegdan iti Jerusalem, idia Betfage ken Betania iti Bantay dagiti Olibo, nangibaon iti dua kadagiti adalanna **2** ket imbagana kadakuada: “Mapankayo iti purok a matantannawaganyo, ket apaman a makastrekkayo iti dayta makasarakkayto iti urbon ti asno a naigalut, nga iti dayta awan pay asinoman iti sangatauan ti nagsakay; warwaranyo ket iyegyo. **3** Ket no adda asinoman nga agkuna kadakayo, ‘Apay nga araramidenyo daytoy?’ kunaenyo, ‘Kasapulan dayta ti Apo, ket madagdagus nga ipatulodnanto met laeng ditoy.’ **4** Gapuna napanda ket nasarakanda ti urbon ti asna a naigalut iti ruangan, iti ruar idia sumina a dalan, ket winarwaranda. **5** Ngem sumagmamano kadagidiay sitatakder sadiay rinugianda a kunaen kadakuada: “Ania ti ar-aramidenyo a warwarwaranyo ti urbon ti asna?” **6** Kinunada kadagitoy ti kas iti kinuna ni Jesus; ket binay-anda ida a mapan. **7** Ket inyegda ti urbon ti asna ken Jesus, ket imparabawda iti dayta dagiti makinruar a kawesda, ket sinakayanna dayta. **8** Kasta met, adu ti nangyaplag kadagiti makinruar a kawesdac iti dalan, ngem ti dadduma nangsipatda iti bulbulong manipud kadagiti talon.e **9** Ket dagidiay adda iti sanguanan ken dagidiay sumarsarunoimpukpukawda: “Mangisalakanka, ikararagmi! Bendito daydiay umay iti nagan ni Jehova!g **10** Bendito ti um-umay a pagarian ni amatayo a David! Mangisalakanka, ikararagmi, iti kangatuan!”

Pannakailawlawag ti Teksto

Makita a mapaspsamak ti entero a Capitulo 118 ti Salmo kabayatan ti panagdaydayaw iti Dios gapu iti pannakasalaknib ken balligi a napasaran daytoy agdaydayaw. Ibaga dagiti dadduma a Bible Scholars a salmo daytoy ni David bayat ti iyulina iti trono wenno maysa a tao a pinusgan ti Dios para iti nangatnagato a pgsaadang ket siraragsak unay nga agdaydayaw iti Dios. Inaramat dagiti papadi ti bersikulo 26 a pangkabilaaw ken pangsarabo kadagiti sangaili (pilgrims) a sumsumrek iti ruangan ti Jerusalem bayat ti pannakarambak ti Piasta ti Ilalasang (Passover).

Paset ti iseserrek ni Jesus iti Jerusalem ti pannakatungpal ti panggep ti kina-mesiasna. Nabayagen nga ammo ni Jesus ti idadateng daytoy a kanito ket ammonan ti pagbanagan daytoy a pasamak. Ti iseserrek ni Jesus iti Jerusalem ti nagleppasan ti ministryna ket ipamatmat daytoy ti panagtulnogna iti Dios iti baet dagiti dakes a panggep/plano dagiti panguloen ti relihion kontra kenkuana. Ipakaammo daytoy nga iseserrekna iti Jerusalem ti napigsa a mensahe kadagiti autoridad a saan a mabuteng ni Jesus iti bilegda uray pay iti panagsagaba nga agur-uray kenkuana. Agpaay met daytoy a magnpatibker iti rikna dagiti adalanna nga agdandanag ken mabuteng a mkapukaw kenkuana.

Narambak dagiti tao iti iseserrek ni Jesus iti Jerusalem. Impayapay dagiti dadduma dagiti bulong tip alma ket iyukrad met dagiti dadduma dagiti lupot iti dalan ti pagnaanna kas panangsraboda kenkuana. Siammo ken namnamaenda ngamin nga umayen ti tiempo ti pannakaisubli ti dayag ken dayaw ti Israel a kas idi panawen ni David. Nupay kasta saan a naisangayan (special) daytoy a panangsarabo ken ti masasao a naballigi nga iseserek iti Jerusalem gapu ta kadawyan nga ar-aramiden dagiti tao daytoy kas panangsaraboda kadagiti heneral wenno ari no sumangpetda manipud iti pannakigubat a kabalio ti mangipakita nga immay iti nagan ti talna ken kappia saan ket a maysa a mannakigubat mangisalakan kas iti namnamaen dagiti tao kenkuana.

Ti iseserrek ni Jesus iti Jerusalem ti nangipakitaan ni Jesus iti naan-anay nga isusungbat ken panagtulnogna iti ayab ti Dios. Simrek iti Jerusalem saan a tapno tungpalenna ti sirmata dagiti Judio wenno tapno penkenna dagiti tarigagayda iti pannakaidayaw no di ket agtulnog iti ayab ti Dios ng umay iti Jerusalem tapno matungpal ti panggep ti Dios a mangipasdek ti pagarianna ditoy rabaw ti daga. Karkarna ti saan a panangilawlawag ti leksion ti sungbat ni Jesus iti panangsarabo ken ayab dagiti tattao ngem malagip nga iti naglabas nga al-aldaw pasaray bilinenna dagiti adalanna a saanda nga ipakpakaammo ti kinasiasinona a kas Mesias. Iti yaadani ti panagleppas ti ministryna, mabalin nga ammo ni Jesus a tiemponan a maamuan dagiti tattao nga isu ti Mesias nangruna dagiti dadaulo ti relihion isuda a makarikna iti pangta ti yaayna ken ti pannakaitan-okna a kas Mesias a nagtaud ken David. Ti panangbigbig dagiti tattao iti kina-Mesiasna ti kadaklan a pangta/pagbutngan dagiti adda iti agdama a bileg ken turay. Aramidenda amin a kabaelanda nga aramiden tapno agtalinaed iti agdama a kasasaad wenno turay gapu ta dakkel unay ti makitkittabda wenno magamgamrudda ket gapu ta kasta lapdanda dagiti aniaman a napateg a panagbalbaliw para iti pagimbagan ti kaduan nagruna dagiti napanglaw a daga. Masapul ngarud nga agtignayda a dagus kontra ken Jesus. Daytoy ti wagas ti pakatungpalan ti mission ni Jesus kas situtured a nangsango kadagiti tao mangparigat ken mangpapatayto kenkuana. Ti Dios ken Jesus (God in Jesus) namnamaenna a sumungbat dagiti mamati kenkuana iti isu met la a kangato ti kinapudno ken panagtulnog iti ayab ti Dios iti pannakaiwaragawag ti ebanghelio ken ti pnnakaipasdek ti Pagarian uray iti sango ti peggad, isusupiat dagiti mapabutngan ken ti sakripisyo ken panagsagaba nga agur-uray. Kasta met a saan koma a paallilaw dagiti mamati kadagiti daeg, riaw, ken tiptipat ti pammadayaw dagiti tao kabayatan ti pannagnatayo nga agturong iti ayab ti Dios.

TARABAY KADAGITI MANGISURO

Kas sumrek da Jesus kan dagiti adalanna iti ruangan ti Jerusalem, nangyaplag dagiti tao kadagiti sanga ti kayo ket inyeplag met ti sabsabali dagiti luplupot iti dalan ket impukpukawda ti naganna a sirarag-o a mangipakita iti iseserrek iti nabayagen nga inur-urayda amesias, maysa a wagas ti panagsarabo iti pangulo dagiti soldado a Romano nga agsubli a sibabaligi manipud iti maysa a gubatan. Ninamnamada nga agawen ken kotrolen ni Jesus ti Jerusalem, ti sentro ti tugaw ti bileg ti nasion. Nagturong ni Jesus iti templo, binalituagna dagiti lamisaan a nagyanan dagiti pagsukli a pirak ken tagilako ket inabogna dagiti agtagilako nga innruar iti templo babaen iti panangramatna iti baut. Maysa a makapaluksaw a namagtigerger kadagiti otoridad iti ciudad.

Nagdardaras ketdi dagiti paguloen ti rehilion ti napan nagpulong iti gobernador TI Roma ket dinawatda ti madaras a pannakalapped ti maysa nga iyaalsa a maisuppiat iti Emperio. Nalawag nga inbaon ni Pilato dagiti soldados saan unay a tapno pagtalinaedenda ti riribuk no di tapno pasangbayenda ti kaalyadona. Nalawag ken pilato a ti inaramid ni Jesus ket maysa a simbolo ti

tarigagay dagiti Judio para iti pannakawayawaya a saan ket a pudno nga asideg a peggad iti emperio. Posible met a maysa a kita ti tao ni Pilato a saan a mangitulok iti maysa nga awan kaes-eskanna a talna Romana (Roma Peace/Pax Romana)

Ngem maysa a banag ti simken ken Jesus idi simrek iti Jerusalem. Adda idia tapno aramidenna ti intuding ti Dios a misionna – ti kasasaad nga agsagaba a Mesias. Amin a napasamak manipud idi inawatna ti ayab kenkuana idia let-ang agingga iti kanito nga iseserrekna iti Jerusalem itudoda ti maymaysa a direksion - iti krus. Ammona ti kaipapanan ti krus iti agsagsagaba gapu iti adun dagiti naglasat iti dayta iti napalabas. Maysa daytoy a kadaksan/ kadagsenan a wagas ti ipapatay, ti kakas-angan a kitaen a wagas ti papanaw ditoy lubong. Ngem dina pay naammoan ti adda iti likudan ti kruz. Nakarkaro pay kadi ngen ti pannakailasnsana? Isu kadi pagnan nga agturong iti nagloriaan a biag a ni kaanom saan pay a naipakaammo nga inyawatnan a naan-anay ti gasatna iti ima ti Dios.

Nursery/Kindergarten/Younger Elementary Levels

I. Panggep

Kalpasan ti panagadal ken ti agtultuloy a panangipakita dagiti nagannak ken nataengan ti umiso nga ehemplo, dagiti ubbing ket mabalinanda nga:

1. denggenda ti istoria ti sibaballigi nga iseserrek ni Jesus diay Jerusalem;
2. diskutiren no ania ti inukpukkaw dagiti tattao a nangpasangbay ken Jesus; ken
3. manglagipda ti maysa nga okassion/pasken iti pagtaenganda no kasano a pasangbayen dagiti kabagian ken sabsabali a tattao kas senyales ti panangtulnog iti Dios.

II. Konsepto: Sumrek ni Jesus iti Jerusalem tapno agtulnog iti Dios.

Materials: Bibliya, ladawan ti iseserrek ni Jesus diay Jerusalem, pap-papel a dadaan. Bulbulong no adu tay olive..

III. LINAON TI PANAGADAL

A. Panglukat a Panagdayaw

1. Panangpasangbay: Kablaawan dagiti umay agadal babaen ti isem ken nabara nga arakup. Ibaga iti tunggal kadakuada: Ni Jesus a manobbotayo, ay-ayatennakayo unay.”

2. Panglukat nga kararag: Idalan dagiti agadal ti ababa nga kararag:
“Apo Dios, Agyamanak kenka iti daytoy nga naraniag nga aldaw. Dawatenmi ti pannakikaaddam kadakami kas adalenmi dagiti sasaom kangrunaan ti sibaballigi nga iseserrek ni Jesus diay Jerusalem. Iti nagan ni Hesus, amen.”

3. Panglukat nga kankanta:

a. “Welcome Jesus” (Tune: “Mary Had a Little Lamb”)

Welcome, welcome Jesus Christ, you’re God’s promise to us all

Welcome, welcome Jesus Christ, come reign in our lives today.

b. “Hosanna” (<https://www.youtube.com/watch?v=g9XJnLsN3F4>)

B. Panangisagana

Ibagam iti klase nga manglagipda ken istoryaenda ti maysa a pasken diay balayda nga adda bimmisita a kabagianda manipud ballasiw taaw wenno probinsiya. Istoryaenda no ania ti inaramidda, ania insaganada ken kasano pimmmay-anda. Damagem no ania nariknada. Damagem nga pakaay-ay-aywan kadi ti Dios no pasangbayem ti maysa a tao.

C. Oras ti Innadal/Panagadal

1. Ilawlawag iti klase ti kayat a sawen ti “Fiesta ti Passover”. Ibaga nga daytoy ket piesta tapno lagipen dagiti Israelita ti naayat a Dios isu a nangisalakan kadakuada. Dagiti angel ni patay saan a simrek ket linabsanda dagiti balayda ket namarkaan ti dara dagiti ruanganda. Daytoy ti nangisalbar kadakuda ken patay.
2. Isagana dagiti ubbing nga dumngeg iti istoria. Ikkan ida iti activity sheet a mangibaga ti storia.

Sumrek ni Jesus diay Jerusalem

(maibatay iti Makos 11:1-10)

Dagiti tattao naurnong tapno ramabakanda ti Piesta ti Panagyaman. Kayat ni Jesus ti makidanggay. Kinunana kadagiti adalanna: “intayo diay Jerusalem intay met makipagrabak”.

Inbilinna kadagiti dua nga adalanna a mapan mangala ti asno a pagluganan. “Inkayo diay siudad, adda makitayo nga asno a nakagalut alaenyo ket iyegyo kaniak.”

Nagtulnog dagiti adalanna. Napanda ket nakitada ti asno nga nakagalut, inikkatda ti galutna ket adda immasideg ket dinamagda, “Apay alaenyo ti asno? Kinunana; Ti Apo masapulna, insungbatda, isubliminto metla inton madamdama, ket inyegda ken Jesus.

Naglulan ni Jesus iti asno ket mangrugin nga agdalliasat a mapan Jerusalem.

Idi kuan adu dagiti tattao a nangpasungad kenkuana, ket kinunkunada: “Umayen ni Jesus, addaytan ni Jesus.

Amin dagiti tattao nagraragsakda innikkatda dagiti aruatenda ket inyaplagda iti pagnaan ni Jesus ken inwagawayda dagiti bulbulong nga awitda... Bendisyonan koma ti Dios ti umay iti nagan ti Apo. Bendisyonan koma ti Dios ti umay a pagarian n amatayo a David. Madaydayaw iti Dios!

Maysa a naindaklan a pasken wenno okasion dayta nga aldaw!

D. Panangpauneg ti Adal/Panagbibinnuray.

Damagem dagiti sumaganad.

For N/K

1. Ania ti pasken wenno okasion nga mapasamak diay Jerusalem? (Fiesta ti Panagyaman)
2. Sinno ti agngayangay a makidanggay a mapan makiselebrar? (Jesus)
3. Sinno ti ammom nga nangibaon ken Jesus a mapan Jerusalem. (Dios) Ania a klase a tao ni Jesus? (managtulnog nga anak ti Dios)
4. Ania ti dinawat ni Jesus kadagiti adalanna? (Mapanda alaen ti asno a nakagalut tapno siut' paglugananna)
5. Nasapulan kadi dagiti adalan ti asno? (Wen) Ania ti inaramidda? (winarwarda ti galutna sada innala ket inyegda ken Jesus)
6. Idi nakita dagiti tattao nga al-alaenda ti asno, ania ti dinamagda ken ania ti insungbatda? (apay alaenyo- masapul ti Apo)
7. Ania ti inaramid dagiti tattao idi makitada nga sumungsungad ni Cristo? (Innikkatda dagiti kagayda ket inyaplagda iti dalan ni Jesus. Inwagawayda ti palma ken Jesus.)
8. Ania ti inpuk-pukkaw dagiti tattao? (Bendisyonan koma ti Dios ti umay iti nagan ti Apo. Bendisyonan koma ti Dios ti umay a pagarian n amatayo a David. Madaydayaw iti Dios!)
9. Ania ti kayat a sawen ti “Hosanna”? (ti Dios insalakannatayo)
10. Ania ti panagkunam apay nga ipiukpukkaw dagiti tattao ti Hosanna ken Jesus? (mamatida nga ni Jesus ket mangisalakan kadakuada)
11. No umay ni Jesus iti agdama a panawen, kasano ti panangpasangbaymo? Ania ti panagkunam kasano nga isalakannatayo ni Jesus. (Expectarem ti nadumaduma nga sungbat kadagiti ubbing)

For YE:

1. Ania ti pasken wenno okasion nga mapasamak diay Jerusalem? (Fiesta ti Panagyaman)
2. Sinno ti agngayangay a makidanggay a mapan makiselebrar? (Jesus)

3. Sinno ti ammom nga nangibaon ken Jesus a mapan Jerusalem. (Dios) Ania a klase a tao ni Jesus? (managtulnog nga anak ti Dios)
4. Ania ti dinawat ni Jesus kadagiti adalanna? (Mapanda alaen ti asno a nakagalut tapno siut' paglugananna)
5. Nasapulan kadi dagiti adalan ti asno? (Wen) Ania ti inaramidda? (winarwarda ti galutna sada innala ket inyegda ken Jesus)
6. Idi nakita dagiti tattao nga al-alaenda ti asno, ania ti dinamagda ken ania ti insungbatda? (apay alaenyo- masapul ti Apo)
7. Ania ti panagkunam apay nga asno ti naglugana ni Jesus apay saan nga kabalio? (ti asno simbolo ti kinapakumbaba ket ti kabalio simbolo ti kinabileg)
8. Ania ti inaramid dagiti tattao idi makitada nga sumungsungad ni Cristo? (Innikkatda dagiti kagayda ket inyaplagda iti dalan ni Jesus. Inwagaywayda ti palma ken Jesus.)
9. Ania ti inpuk-pukkaw dagiti tattao? (Bendisyonan koma ti Dios ti umay iti nagan ti Apo. Bendisyonan koma ti Dios ti umay a pagarian n amatayo a David. Madaydayaw iti Dios!)
10. Ania ti kayat a sawen ti "Hosanna"? (ti Dios insalakannatayo)
11. Ania ti panagkunam apay nga ipiukpukkaw dagiti tattao ti Hosanna ken Jesus? (mamatida nga ni Jesus ket mangisalakannatayo)
12. No umay ni Jesus iti agdama a panawen, kasano ti panangpasangbaymo? Ania ti panagkunam kasano nga isalakannatayo ni Jesus. (Expectarem ti nadumaduma nga sungbat kadagiti ubbing)

E. Panangdiskubre ti Adal manipud iti Biblia.

Damagen:

Ti la kadi pannakidanggay iti selebrasyon ti panagyaman ti dinar-ayan ni Jesus? Ania pay ngata ti rason ken gapuna? (Simrek ni Jesus diay Jerusalem kas inpakitana ti panagtulnogni ti Dios)

F. Panangiyaplikar ti Adal manipud iti Biblia.

1. Isuro ti laglagipen a bersikulo: "Hosanna! Bendisyonan koma ti Dios ti umay iti nagan ti Apo."
2. Ibaga kadagiti ubbing nga mangpanunottda kadagiti wagas a makaay-ayo ken Jesus.. Mabalina nga ibaga wenno aramiden ti maysa nga ubbing. Kalpasan ti panangibingay ti maysa nga ubbing- dawaten a sungbatan ti klase ti kanta "Hosanna in the Highest"
3. Para iti N/K- ikkan dagiti ubbing ti bulong ket ipigketda ti laglagipen a bersikulo idia bulong.
4. Pra YE: Ikkan ida ti bulong ipegketda ti laglagipen iti bulong sada decoraran ti recycled paper...
5. Ibaga kadagiti ubbing nga agparadada iti uneg ti classroom (wenno mabalina nga iti Iglesia wenno ruar) iwagayway ti inaramidda nga artworks kas siraragsakda nga mangibaga ti laglagipen a bersikulo.
6. Ipalagip iti klase ng akas iwagaywayda ti palmada. Laglagipen a ni Jesus immay a napakumbaba tapno subbotenna ket isalakannatayo manipud galut ni basol...ay-ayatennatayo ket managtulnog iti Dios.

G. Pangserra nga aramid:

1. Panagdaton: Idalan dagiti ubbing a kas itedda dagiti bagi ti pirak, idatontayo ti bagi iti Dios babaen ken Jesus isu a nailansa iti krus tapno isalakannatayo.
2. Pangrikep A Kanta: "Hosanna, Laud Hosanna" (Hymnal of a Faith Journey # 148)
3. Pangrikep a Kararag: "Our Parent God, we thank you for Jesus who showed us to be humble. Teach us to serve humbly like Jesus. In His name, we pray. Amen."

Apo Dios amami a nailangitan, agyamankami ken Jesus nga immay ken tapno ipakitana ti kinapakumbaba. Isurona kami nga agbalin a napakumbaba. Agkararag kami ken Jesus nga Apomi, amen!

Middle and Older Elementary Levels

I. Panggep

Kalpasan ti panagadal, dagiti nagatendar ket manamnama a:

1. denggenda ti istorya ti sibaballigi nga iseserrek ni Jesus diay Jerusalem;
2. diskutiren no ania ti inupukpukaw dagiti tattao a nangpasangbay ken Jesus; ken
1. pagsasaritaan maipanggep ti sibabaligi nga iseserrek ni Jesus diay Jerusalem.
4. manglagipda ti maysa nga okassion/pasken iti pagtaenganda no kasano a pasangbayen dagiti kabagian ken sabsabali a tattao kas senyales ti panangtulnog iti Dios.

II. Konsepto: Sumrek ni Jesus iti Jerusalem nga agtulnog iti ayab ti Dios.

Dagiti Kasapulan: *Biblia* (NRSV, 1989), activity sheet, palma-palma ken flaglets

III. Linaon ti Panagadal

A. Panglukat a Panagdayaw

1. **Panangpasangbay:**“Kablaawan dagiti ubbing ket pasangbayen iti naragsak ken nairut nga arakup ti panangpasangbay. Saludsoden no ania ti inaramidda iti tengga ti lawas.
2. **Panglukat a Kararag:** Ibaga kadagiti ubbing nga agkararagda iti maysa nga paraupo. Agyamanak gapu gapu iti _____.

3. Panglukat a Kanta:

- a. “Hosanna” (<https://www.youtube.com/watch?v=g9XJnLsN3F4>)
- b. “Who Is He?” (Tune: “Joyful, Joyful We Adore Thee”)
Who is He who comes in triumph? Who is He who comes to die,
Comes in peace and comes in power, Hidden One now lifted high?
Jesus, Jesus, Lord, Messiah, Mighty master of the grave!
See Him ride, the King of Glory! God Himself has come to save!
See Him there in humble splendor. Hear them shouting all around.
Joy explodes in wild procession. Praise is now the victor's crown.
"Glory, glory in the highest!" Like the angels hear them sing,
Dancing round the long-awaited, once their hope, and now their King.
Rise and join the glad procession! Hear them passing by again.
All the ransomed, all His children, marching to Jerusalem!
Look ahead, the gates of splendor! Hear the everlasting hymn!
Open wide your hearts in worship! Let the King of Glory in!

B. Panagsagana

1. Damagen kadagiti ubbing no ania ti pam-pamay-anda no adda bisita iti balayda. Idalan ti diskusion ti kinapateg ti managpasangbay. Daytoy a kimanagpasangbay ket makaay-ayo iti imatang ti Apo.
2. Ipakita dagiti placards a mangipakita kadagiti importante a banbanag. Ibaga iti klase nga basaenda ti nakasurat. Diskutiren dagiti kayat a sawen dagitoy tapno maawatan dagiti ubbing.
 - a. Passover. Importante daytoy a pasken gaputta tinawen nga Fiesta dagiti Israelita a mangtalliwaw iti kinaimbag ti Dios gaputta managayat ti Dios ket

winayawayaan ti Dios ida manipud ima dagiti manangidadanes nga ima dagiti Egipto. (llawlawag ti adda nga marka a dara ti karnero nga nangilapsut kadakuada manipud ipapatay)

b. Hosanna. Kayatna a sawen “Isalakannatayo”

c. Domingo Ramos. Domingo kasanguanan ti Domingo Panangungar.

d. Nangina nga aldaw/Holy Week. Mangrugi iti Lunes kalpasan Domingo Ramos, lawas nga maud-udi nga aldaw ni Jesus ditoy daga.

C. Panawen ti Innadal

1. Ibaga iti klase nga basaen ti Markos 11:1-10 a pagsisinnublatan.

2. Kalpasan a mabasa dagiti paset ti ibaga iti klase nga basaenda iti “choral reading”. I-asayn dagiti sumaganad, ti parabasa, ni Jesus, dagiti disipulos, dagiti umili, dagiti tattao iti Jerusalem.

Ti Naballigi nga Iseserrek ni Jesus diay Jerusalem

(maibatay iti Markos 11:1-10)

Paraibasa: Sumrek ni Jesus diay Jerusalem gaputta kayatna ti makidanggay iti selebrasyon iti Fiesta. Nagtulnog ni Jesus iti Dios. Inayabanna dagiti adalanna;

Jesus: Inkayo idiy sentro, ket inkayo alaen ti asno. Warwarenyo ti talina ken iyegyo kaniak.

Disipulo: Wen, Jesus.

Umili: Apay nga ikkatenyoy ti galut ti asno? Ania ti pamay-anyo?

Disipulo: Masapul ti Dios.

Narrator: Dagiti umili saanda a pinawilan dagiti disipulos. Inyegda ken Jesus ti asno, binadoanda ken naglugan ni Jesus a mapan diay Jerusalem.

Tattao a taga-Jerusalem: Ni Jesus kadi dayta sumungsungad? Intayo- ibagatay kadagiti sabsabali intayo sabten ni Jesus.

Paraibasa: Adu dagiti tattao nga immay ken naummong. Adu dagiti simmabat ken Jesus ken nangsurot kenkuana. Inikkatda dagiti kagayda ket inyaplag iti pagnaan ni Jesus. Inwagaywayda ti palma ket inpuk-pukawda;

Tattao a taga-Jerusalem: “Hosanna! Bendisyonan ti Dios dagiti umay iti Apo.”

Paraibasa: Dagiti tattao naragsakda a nangpasangbay ken Jesus. Ammoda nga ay-ayaten ni Jesus ida. Nagbalin a naballigi daytoy a parada.

D. Panangpauneg ti Adal/Panagbibinnuray

Diskutiren dagiti sumaganad.

1. Ania dagiti dua a rason no apay nga nagdesisyon ni Jesus a dumar-ay a mapan Jerusalem? (makipagelebrar ken tapno agtulnog iti Dios)
2. Ania ti panagkunam nga ipatrabaho ti Dios ken Jesus nga aramidenna? (mangi-establisar ti pagarian ti Dios ditoy lubong ken subbotenna dagiti tattao manipud kinadakes)
3. Ania ti makunam apay nga inpakita ni Jesus ti kinamanagtulnog ken kinapakumbaba nga inpakita ni Jesus a simrek diay Jerusalem?
4. Apay nga inbaon ni Jesus dagiti adalan nga mapanda alaen diay asno? (ti asno isimbolona ti kinapakumbaba)
5. Apay nga ti sibaballigi nga iseserrek ni Jesus diay Jerusalem ket importante unay? (impakita ni Jesus nga isu ket naidumduma nga Mesias, maysa a napakumbaba nga mangisalaman)
6. No umay ni Jesus ita, kasano nga pasangbayen isuna? Ania ti makunam? Apay? (Expektarem ti sungbat dagiti ubbing)
7. Ania ti makunam kadagiti sumaganad. llawlawag dagiti sungbat.

- a. Napan ni Jesus diay Jerusalem tapno mangi-establisar ti pagarianna, dagiti nabileg kayatda a papatayen ni Jesus.
- b. Dagiti tattao napnoan ti segga iti umay nga ari, ngem sabali a klase ti Ari. Pinasangbayda ni Jesus a siraragsak.
- c. Ni Jesus ti Mesias isu a nagsagaba ken natay tapno islakannatayo manipud basol.
- d.** Agtulnog tayo ken Jesus ken agbalin nga Ari iti biagtayo ita ken iti masakbayan.

E. Panangdiskubre ti Adal

Saludsodem: “Apay ti panagkunam apay a simrek ni Jesus diay Jerusalem?” (Simrek ni Jesus diay Jerusalem tapno agtulnog iti Dios.)

F. Panangyaplikar iti Naadal

1. Ilawlawag ti laglagipen a bersikulo
 - a. “Hosanna! Bendito daydiay umay iti nagan ni Apo!
2. Ibagi iti klase nga ilistada dagiti naiimbag nga maaramidda iti pamilyada nga mangipakita iti kinamanagtulnog. Kas pagarigan koma: tumulong iti trabaho ti balay, mangibingay ti badbado ken pirak, tumulong kadagiti panglakayen.
3. Para ME: Ibagi iti klase a mangisagana iti “Palm Sunday flags”. Ibagi nga ikkanda ti bisti ti flagletsda...ibagi nga isuratda iti placemat ti laglagipen a bersikulo.
4. Para OE: Ibagi iti klase nga isagana ti Palm Sundays flags. Disenyoanda ti flagsda ket isuratda ti laglagipen a bersikulo.

G. Pangrikep nga Aramid

1. Panagdaton: ipasango dagiti oferta kas kantaen ti Doksolohiya.
2. Pangrikep a Kanta: “Who Is He?” (Tune: “Joyful, Joyful We Adore Thee”)
3. Pangrikep a kararag: “
4. Pangrikep a Kararag: “Apo Dios, agyamankami ti panangitundam ken Jesus ditoy lubong ken diay Jerusalem tapno ammo mi ti agbiag a maikanatad kenka ken iti dadduma a tattao. Idalannakami tapno agbalinkami a kas ken Jesus, iti sao, iti panunot ken iti aramid.. Agkararagkami ken Jesus nga Apomi... Amen!

YOUTH LEVEL

March 20, 2016

Domingo Ramos:

Paulo ti Leksion 17: TI BALLIGI TI MANGISALAKAN A NAILANSA ITI KRUS

Daan a Tulag: Dagiti Salmo 118:26

²⁶ Nagasat ti umay iti nagan ti Apo!. Bendisionan dakayo manipud iti balay.

Baro a Tulag: Markos 11:1-10

Ita idi umas-asidegdan iti Jerusalem, idia Betfage ken Betania iti Bantay dagiti Olibo, nangibaon iti dua kadagiti adalanna **2** ket imbagana kadakuada: “Mapankayo iti purok a matantannawaganyo, ket apaman a makastrekkayo iti dayta makasarakkayto iti urbon ti asno a naigalut, nga iti dayta awan pay asinoman iti sangatauan ti nagsakay; warwaranyo ket iyegyo. **3** Ket no adda asinoman nga agkuna kadakayo, ‘Apay nga araramidenyo daytoy?’ kunaenyo, ‘Kasapulan dayta ti Apo, ket madagdagus nga ipatulodnanto met laeng ditoy.’ **4** Gapuna napanda ket nasarakanda ti urbon ti asna a naigalut iti ruangan, iti ruar idia sumina a dalan, ket winarwaranda. **5** Ngem sumagmamano kadagidiay sitatakder sadiay rinugianda a kunaen kadakuada: “Ania ti ar-aramidenyo a warwarwaranyo ti urbon ti asna?” **6** Kinunada kadagitoy ti kas iti kinuna ni Jesus; ket binay-anda ida a mapan. **7** Ket inyegda ti urbon ti asna ken Jesus, ket imparabawda iti dayta dagiti makinruar a kawesda, ket sinakayanna dayta. **8** Kasta met, adu ti nangyaplag kadagiti makinruar a kawesdac iti dalan, ngem ti dadduma nangsipatda iti bulbulong manipud kadagiti talon.e **9** Ket dagidiay adda iti sanguanan ken dagidiay sumarsarunoimpukpukawda: “Mangisalakanka, ikararagmi! Bendito daydiay umay iti nagan ni Jehova!g **10** Bendito ti um-umay a pagarian ni amatayo a David! Mangisalakanka, ikararagmi, iti kangatuan!”

Pannakailawlawag ti Teksto

Makita a mapaspsamak ti entero a Capitulo 118 ti Salmo kabayatan ti panagdaydayaw iti Dios gapu iti pannakasalaknib ken balligi a napasaran daytoy agdaydayaw. Ibaga dagiti dadduma a Bible Scholars a salmo daytoy ni David bayat ti iyuulina iti trono wenno maysa a tao a pinusgan ti Dios para iti nangatnagato a pgsaadana ket siraragsak unay nga agdaydayaw iti Dios. Inaramat dagiti papadi ti bersikulo 26 a pangkablauw ken pangsarabo kadagiti sangaili (pilgrims) a sumsumrek iti ruangan ti Jerusalem bayat ti pannakarambak ti Piesta ti Ilalasad (Passover).

Paset ti iseserrek ni Jesus iti Jerusalem ti pannakatungpal ti panggep ti kina-mesiasna. Nabayagen nga ammo ni Jesus ti idadateng daytoy a kanito ket ammonan ti pagbanagan daytoy a pasamak. Ti iseserrek ni Jesus iti Jerusalem ti nagleppasan ti ministryna ket ipamatmat daytoy ti panagtulnogna iti Dios iti baet dagiti dakes a panggep/plano dagiti panguloen ti relihion kontra kenkuana. Ipakaammo daytoy nga iseserrekna iti Jerusalem ti napigsa a mensahe kadagiti autoridad a saan a mabuteng ni Jesus iti bilegda uray pay iti panagsagaba nga agur-uray kenkuana. Agpaay met daytoy a magnpatibker iti rikna dagiti adalanna nga agdandanag ken mabuteng a mkapukaw kenkuana.

Narambak dagiti tao iti iseserrek ni Jesus iti Jerusalem. Impayapay dagiti dadduma dagiti bulong tip alma ket iyukrad met dagiti dadduma dagiti lupot iti dalan ti pagnaanna kas panangsraboda kenkuana. Siammo ken namnamaenda ngamin nga umayen ti tiempo ti pannakaisubli ti dayag ken dayaw ti Israel a kas idi panawen ni David. Nupay kasta saan a naisangayan (special) daytoy a panangsarabo ken ti masasao a naballigi nga iseserek iti Jerusalem gapu ta kadawyan nga ar-aramiden dagiti tao daytoy kas panangsaraboda kadagiti heneral wenno ari no sumangpetda manipud iti pannakigubat a kabalio ti mangipakita nga immay iti nagan ti talna ken kappia saan ket a maysa a mannakigubat mangisalakan kas iti namnamaen dagiti tao kenkuana.

Ti iseserrek ni Jesus iti Jerusalem ti nangipakitaan ni Jesus iti naan-anay nga isusungbat ken panagtulnogna iti ayab ti Dios. Simrek iti Jerusalem saan a tapno tungpalenna ti sirmata dagiti Judio wenno tapno penkenna dagiti tarigagayda iti pannakaidayaw no di ket agtulnog iti ayab ti Dios ng umay iti Jerusalem tapno matungpal ti panggep ti Dios a mangipasdek ti pagarianna ditoy rabaw ti daga. Karkarna ti saan a panangilawlawag ti leksion ti sungbat ni Jesus iti panangsarabo ken ayab dagiti tattao ngem malagip nga iti naglabas nga al-aldaw pasaray bilinenna dagiti adalanna a saanda nga ipakpakaammo ti kinasiasinona a kas Mesias. Iti yaadani ti panagleppas ti ministryna, mabalin nga ammo ni Jesus a tiemponan a maamuan dagiti tattao nga isu ti Mesias nangruna dagiti dadaulo ti relihion isuda a makarikna iti pangta ti yaayna ken ti pannakaitan-okna a kas Mesias a nagtaud ken David. Ti panangbigbig dagiti tattao iti kina-Mesiasna ti kadaklan a pangta/pagbutngan dagiti adda iti agdama a bileg ken turay. Aramidenda amin a kabaelanda nga aramiden tapno agtalinaed iti agdama a kasasaad wenno turay gapu ta dakkel unay ti makitkittabda wenno magamgamrudda ket gapu ta kasta lapdanda dagiti aniaman a napateg a panagbalbaliw para iti pagimbagan ti kaduan nagruna dagiti napanglaw a daga. Masapul ngarud nga agtignayda a dagus kontra ken Jesus. Daytoy ti wagas ti pakatungpalan ti mission ni Jesus kas situtered a nangsango kadagiti tao mangparigat ken mangpapatayto kenkuana. Ti Dios ken Jesus (God in Jesus) namnamaenna a sumungbat dagiti mamati kenkuana iti isu met la a kangato ti kinapudno ken panagtulnog iti ayab ti Dios iti pannakaiwaragawag ti ebanghelio ken ti pnnakaipasdek ti Pagarian uray iti sango ti peggad, isusupiat dagiti mapabutngan ken ti sakripisyo ken panagsagaba nga agur-uray. Kasta met a saan koma a paallilaw dagiti mamati kadagiti daeg, riaw, ken tiptipat ti pammadayaw dagiti tao kabayatan ti pannagnatayo nga agturong iti ayab ti Dios.

TARABAY KADAGITI MANGISURO

Kas sumrek da Jesus kan dagiti adalanna iti ruangan ti Jerusalem, nangyaplag dagiti tao kadagiti sanga ti kayo ket inyeplag met ti sabsabali dagiti lulupot iti dalan ket impukpukawda ti naganna a sirarag-o a mangipakita iti iseserrek iti nabayagen nga inur-urayda amesias, maysa a wagas ti panagsarabo iti pangulo dagiti soldado a Romano nga agsubli a sibabaligi manipud

iti maysa a gubatan. Ninamnamada nga agawen ken kotrolen ni Jesus ti Jerusalem, ti sentro ti tugaw ti bileg ti nasion. Nagtutrong ni Jesus iti templo, binalituagna dagiti lamisaan a nagyanan dagiti pagsukli a pirak ken tagilako ket inabogna dagiti agtagilako nga innruar iti templo babaen iti panangramatna iti baut. Maysa a makapaluksaw a namagtigerger kadagiti otoridad iti ciudad.

Nagdardaras ketdi dagiti paguloen ti rehilion ti napan nagpulong iti gobernador TI Roma ket dinawatda ti madaras a pannakalapped ti maysa nga iyaalsa a maisuppiat iti Emperio. Nalawag nga inbaon ni Pilato dagiti soldados saan unay a tapno pagtalinaedenda ti riribuk no di tapno pasangbayenda ti kaalyadona. Nalawag ken pilato a ti inaramid ni Jesus ket maysa a simbolo ti tarigagay dagiti Judio para iti pannakawayawaya a saan ket a pudno nga asideg a peggad iti emperio. Posible met a maysa a kita ti tao ni Pilato a saan a mangitulok iti maysa nga awan kaes-eskanna a talna Romana (Roma Peace/Pax Romana)

Ngem maysa a banag ti simken ken Jesus idi simrek iti Jerusalem. Adda idiay tapno aramidenna ti intuding ti Dios a misionna – ti kasasaad nga agsagaba a Mesias. Amin a napasamak manipud idi inawatna ti ayab kenkuana idiay let-ang agingga iti kanito nga iseserrekna iti Jerusalem itudoda ti maymaysa a direksion - iti krus. Ammona ti kaipapanan ti krus iti agsagsagaba gapu iti adun dagiti naglasat iti dayta iti napalabas. Maysa daytoy a kadaksan/ kadagsenan a wagas ti ipapatay, ti kakas-angan a kitaen a wagas ti papanaw ditoy lubong. Ngem dina pay naammoan ti adda iti likudan ti kruz. Nakarkaro pay kadi ngen ti pannakailasnsana? Isu kadi pagnaan nga agtutrong iti nagloriaan a biag a ni kaanom saan pay a naipakaammo nga inyawatnan a naan-anay ti gasatna iti ima ti Dios.

I. Panggep

Kalpasan ti panagadal, dagiti nagatendar ket manamnama a:

1. Ilawlawag ti kayat a sawen ti agsagaba nga adipen iti konteksto nga iseserrek ni Jesus diay Jerusalem:
2. Pagdidiskutiran ti rikna ni Jesus ti napeggad nga akem nga inawatna;
3. Manglagip iti maysa nga kapadasan nga makidangadang iti panagtulnog iti Dios a nagresulta iti panagsakrispisyomanipud iti desisyon.

II. Konsepto: Sumrek ni Jesus iti Jerusalem nga agtulnog iti pagayatan ken panggep ti Dios.

Dagiti Kasapulan: Biblia, himno, activity sheets,

III. Linaon/Wagas ti Panagadal

A. Panglukat a panagdaydayaw

1. Panangpasangbay:

2. Panglukat a Kararag: Agyamankami Apo ti sagut ti pannakigayyem. Amen!

3. Panglukat a Kanta: "Who is He?" (Tune: "Joyful, Joyful We Adore Thee")

Who is He who comes in triumph? Who is He who comes to die,
Comes in peace and comes in power, Hidden One now lifted high?

Jesus, Jesus, Lord, Messiah, Mighty master of the grave!

See Him ride, the King of Glory! God Himself has come to save!

See Him there in humble splendor. Hear them shouting all around.

Joy explodes in wild procession. Praise is now the victor's crown.

"Glory, glory in the highest!" Like the angels hear them sing,

Dancing round the Long-awaited - Once their hope, and now their King.

Rise and join the glad procession! Hear them passing by again -

All the ransomed, all His children, Marching to Jerusalem!
Look ahead the gates of splendor! Hear the everlasting hymn!
Open wide Your hearts in worship! Let the King of Glory in!

B. Panagsagana

Iti grupo a tallo wenno uppat, ibaga iti klase nga panpanunotenda manipud kadagiti sumaganad. Kalpasan iti diskusyon, ibingayda ti kapanpanonutanda iti klase.

1. Ania ti klase wenno pamay-am no sumangbay ni Jesus iti lugaryo wenno bumisita iti Iglesia?
2. Kasano a parang ti aramidem no sumangbay ni Jesus ita? Siasinno ngata ti adda a sumabat kenkuana?
3. Kasano ngata ti trato ti kagimongan no umay ni Jesus iti agdama a panawen? (trapiko, nangina a lugan, nalabaga a pagnaan, adu media) Ania ti makunam a rikna ni Jesus no pasangbayen ti kagimongan wenno ti Iglesia?

C. Panawen ti Panagadal

1. Iparikna kadagiti agad-adal nga isuda ket naisangsangayan ken welcome ti tunggal maysa. Saritaen ti scenario no adda parada wenno rally a mapasamak. Saludsodem: "Nakakita kayon ti rally wenno napadasanyon ti nakiparada? Kasano ti marikna ti tao no adda parade? Apay nga kasta ti mariknada, ania makunam?"

2. Ibaga kadagiti agad-adal nga iti panawen ti Nasantuan a Surat, adda dagiti naisangsangayan nga pasken nga dagiti tattao panawanda dagiti trabahoda ket masapul nga agatendarda. Maysa daytoy selebrasion ket ti Passover wenno Panagyaman iti kinaimbag ti Dios. Amin ket addada diay Jerusalem tapno makipagambak.

Ibaga: Iti istoria ita abigat, dagiti tattao ket naragsak ken excited a mangpasangbay iti Ari a nabayagen nga ur-urayenda. Ita, kayatda a personal nga makita no sinno ti umay. "Sinno ngata dayta umay?"

3. Ibaga iti klase a basaenda a sangsangkamaysa ti paset ti Nasantuan a Surat iti Dagiti Salmo 118:26 ken Markos 11:1-10.

D. Panangpauneg ti Adal/Panagbibinuray

1. Diskutiren ti lesksion babaen iti panangsaludsod kadagiti sumaganad:

- a. Apay a masapul nga mapan ni Jesus diay Jerusalem? Kasano a mainaig iti bersikulo 26 iti Dagiti Salmo 118? (umay tapno tungpalenna ti naipadto kenkuana)
- b. Ania ti makunam apay nga asno ti nagluganna saan nga kabalio? (ti asno simbolo ti kinapakumbaba ken adipen)
- c. Kasano nga nagmanipestar ti panagsagaba nga adipen iti sumrek diay Jerusalem? (immay a natalinaay ken sisasagan nga agserbi)
- d. Ania ti makunam a rikna ni Jesus nga iti gayam panagtungpal iti Dios buangayenna ti napeggad a pasamak iti biagna? (pinadasna ti agsanud ngem nagtulnog iti bilin ti Dios)
- e. Adda kadi kapay-anna no nagdesisyon ni Jesus nga saanna ituloy? Maisalbarna ngata pay ti lubong? Ania ti napasamak no dina tinungpal ti Dios? (nagdududma ti saludsod)

2. Mangibingay ti aniaman nga kapadasan iti pannakidangdang iti panagtulnog iti Dio nga ti resultana daytoy ket sakripisyo manipud iti desisyon. Adda kadi rason ken gapu tapno agsanudka iti panagtulnog?

3. Dabate. Grupoen ti klase iti dua a grupo. Ti maysa a grupo para iti apirmasion iti inaramid ni Jesus iti sabali a bangir negatibo a banag iti inaramid ni Jesus: Ti kadi panagbalin ni Jesus kas agsagaba nga adipen importante iti pannakagun-od iti pannakaisalakan?

E. Panangdiskubre ti Adal:

Saludsodem: Apay a simrek ni Jesus diay Jerusalem? (simrek ni Jesus tapno agtulnog iti Dios) Apay nga buo ti panagtulnog ni Jesus iti Dios ket daytoy importante iti pannakaisayangkat ti pannakaisalakan ti lubong? (Daytoy laeng ti rason ken gapuna a mabalin a maisalakna dagiti tattao manipud basol)

F. Panangyaplikar ti Adal

1. Diskutiren ti laglagipen a bersikulo.

2. Ibagi iti klase nga mangdirector iti TV programa ket isaganda ti damag iti malem ti isasangbay ni Jesus iti Jerusalem. Mang-asayn kadagiti mangipadamag, cameraman, agbuya ken dagiti tattao nga umariwawa iti panangpasangbay ken Jesus.

3. Kalpasan ti panangipadamag, idalan ida iti diskusyon ket agsisisnukat kadagiti kapanpanunotan maipapan iti daytoy a report ken no kasano nga awaten dagiti tattao iti agdama. Ibagada ti kapanpanunotan iti sumaganad:

Amintayo ket nakadependar iti Sasao ti Apo. Inpakita ni Jesus ti kinapakumbaba ken panagbalin nga adipen idi nga simrek diay Jerusalem. Mabalin met nga ipakitayo ti kinapakumbaba ken panagbalin nga adipen no agtulnogtayo kadagiti pagayatan ken panggep ti Dios. Adu dagiti wagas a mabalin nga maipakita ti panagayat iti padatayo a tattao.

G. Pangrikep a Panagdayaw

- Panagdaton.
- Pangrikep a Kanta: "Who is He?" (Tune: "Joyful, Joyful We Adore Thee")
- Pangrikep a Kararag: "Apo Dios, ipakitam kadakami ti dalan. Tulongannakami nga agbalin a nasayaat iti inaldaw-aldaw. Aywanannakami, Apo Dios, aldaw man wenno rabii. Idalannakami iti nasayaat a dana ket agtalek kami kenka. Iti nagan ni Jesus agkararagkami, Amen!"

ADULT LEVEL

March 20, 2016

Domingo Ramos:

Paulo ti Leksion 17: TI BALLIGI TI MANGISALAKAN A NAILANSA ITI KRUS

Daan a Tulag: Dagiti Salmo 118:26

²⁶ Nagasat ti umay iti nagan ti Apo!. Bendisionan dakayo manipud iti balay.

Baro a Tulag: Markos 11:1-10

Ita idi umas-asidegdan iti Jerusalem, idiaiy Betfage ken Betania iti Bantay dagiti Olibo, nangibaon iti dua kadagiti adalanna **2** ket imbagana kadakuada: “Mapankayo iti purok a matantannawaganyo, ket apaman a makastrekkayo iti dayta makasarakkayto iti urbon ti asno a naigalut, nga iti dayta awan pay asinoman iti sangatauan ti nagsakay; warwaranyo ket iyegyo. **3** Ket no adda asinoman nga agkuna kadakayo, ‘Apay nga araramidenyo daytoy?’ kunaenyo, ‘Kasapulan dayta ti Apo, ket madagdagus nga ipatulodnanto met laeng ditoy.’ **4** Gapuna napanda ket nasarakanda ti urbon ti asna a naigalut iti ruangan, iti ruar idiaiy sumina a dalan, ket winarwaranda. **5** Ngem sumagmamano kadagidiay sitatakder sadiay rinugianda a kunaen kadakuada: “Ania ti ar-aramidenyo a warwarwaranyo ti urbon ti asna?” **6** Kinunada kadagitoy ti kas iti kinuna ni Jesus; ket binay-anda ida a mapan. **7** Ket inyegda ti urbon ti asna ken Jesus, ket imparabawda iti dayta dagiti makinruar a kawesda, ket sinakayanna dayta. **8** Kasta met, adu ti nangyaplag kadagiti makinruar a kawesdac iti dalan, ngem ti dadduma nangsigpatda iti bulbulong manipud kadagiti talon.e **9** Ket dagidiay adda iti sanguanan ken dagidiay sumarsarunoimpukpukawda: “Mangisalakanka, ikararagmi! Bendito daydiay umay iti nagan ni Jehova!g **10** Bendito ti um-umay a pagarian ni amatayo a David! Mangisalakanka, ikararagmi, iti kangatuan!”

Pannakailawlawag ti Teksto

Makita a mapaspsamak ti entero a Capitulo 118 ti Salmo kabayatan ti panagdaydayaw iti Dios gapu iti pannakasalaknib ken balligi a napasaran daytoy agdaydayaw. Ibaga dagiti dadduma a Bible Scholars a salmo daytoy ni David bayat ti iyuulina iti trono wenno maysa a tao a pinusgan ti Dios para iti nangatnagato a pgsaadan ket siraragsak unay nga agdaydayaw iti Dios. Inaramat dagiti papadi ti bersikulo 26 a pangkablaaw ken pangsarabo kadagiti sangaili (pilgrims) a sumsumrek iti ruangan ti Jerusalem bayat ti pannakarambak ti Piesta ti Ilalasang (Passover).

Paset ti iseserrek ni Jesus iti Jerusalem ti pannakatungpal ti panggep ti kina-mesiasna. Nabayagen nga ammo ni Jesus ti idadateng daytoy a kanito ket ammonan ti pagbanagan daytoy a pasamak. Ti iseserrek ni Jesus iti Jerusalem ti nagleppasan ti ministryna ket

ipamatmat daytoy ti panagtulnogna iti Dios iti baet dagiti dakes a panggep/plano dagiti panguloen ti relihion kontra kenkuana. Ipakaammo daytoy nga iseserrekna iti Jerusalem ti napigsa a mensahe kadagiti autoridad a saan a mabuteng ni Jesus iti bilegda uray pay iti panagsagaba nga agur-uray kenkuana. Agpaay met daytoy a magnpatibker iti rikna dagiti adalanna nga agdandanag ken mabuteng a mkapukaw kenkuana.

Narambak dagiti tao iti iseserrek ni Jesus iti Jerusalem. Impayapay dagiti dadduma dagiti bulong tip alma ket iyukrad met dagiti dadduma dagiti lupot iti dalan ti pagnaanna kas panangsraboda kenkuana. Siammo ken namnamaenda ngamin nga umayen ti tiempo ti pannakaisubli ti dayag ken dayaw ti Israel a kas idi panawen ni David. Nupay kasta saan a naisangayan (special) daytoy a panangsarabo ken ti masasao a naballigi nga iseserek iti Jerusalem gapu ta kadawyan nga ar-aramiden dagiti tao daytoy kas panangsaraboda kadagiti heneral wenno ari no sumangpetda manipud iti pannakigubat a kabalio ti mangipakita nga immay iti nagan ti talna ken kappia saan ket a maysa a mannakigubat mangisalakan kas iti namnamaen dagiti tao kenkuana.

Ti iseserrek ni Jesus iti Jerusalem ti nangipakitaan ni Jesus iti naan-anay nga isusungbat ken panagtulnogna iti ayab ti Dios. Simrek iti Jerusalem saan a tapno tungpalenna ti sirmata dagiti Judio wenno tapno penkenna dagiti tarigagayda iti pannakidayaw no di ket agtulnog iti ayab ti Dios ng umay iti Jerusalem tapno matungpal ti panggep ti Dios a mangipasdek ti pagarianna ditoy rabaw ti daga. Karkarna ti saan a panangilawlawag ti leksion ti sungbat ni Jesus iti panangsarabo ken ayab dagiti tattao ngem malagip nga iti naglabas nga al-aldaw pasaray bilinenna dagiti adalanna a saanda nga ipakpakaammo ti kinasiasinona a kas Mesias. Iti yaadani ti panagleppas ti ministryna, mabalin nga ammo ni Jesus a tiemponan a maamuan dagiti tattao nga isu ti Mesias nangruna dagiti dadaulo ti relihion isuda a makarikna iti pangta ti yaayna ken ti pannakaitan-okna a kas Mesias a nagtaud ken David. Ti panangbigbig dagiti tattao iti kina-Mesiasna ti kadaklan a pangta/pagbutngan dagiti adda iti agdama a bileg ken turay. Aramidenda amin a kabaelanda nga aramiden tapno agtalinaed iti agdama a kasasaad wenno turay gapu ta dakkal unay ti makitkittabda wenno magamgamrudda ket gapu ta kasta lapdanda dagiti aniaman a napateg a panagbalbaliw para iti pagimbagan ti kaduan nagruna dagiti napanglaw a daga. Masapul ngarud nga agtignayda a dagus kontra ken Jesus. Daytoy ti wagas ti pakatungpalan ti mission ni Jesus kas situtured a nangsango kadagiti tao mangparigat ken mangpapatayto kenkuana. Ti Dios ken Jesus (God in Jesus) namnamaenna a sumungbat dagiti mamati kenkuana iti isu met la a kangato ti kinapudno ken panagtulnog iti ayab ti Dios iti pannakaiwaragawag ti ebanghelio ken ti pnnakaipasdek ti Pagarian uray iti sango ti peggad, isusupiat dagiti mapabutngan ken ti sakripisyo ken panagsagaba nga agur-uray. Kasta met a saan koma a paallilaw dagiti mamati kadagiti daeg, riaw, ken tiptipat ti pammadayaw dagiti tao kabayatan ti pannagnatayo nga agturong iti ayab ti Dios.

TARABAY KADAGITI MANGISURO

Kas sumrek da Jesus kan dagiti adalanna iti ruangan ti Jerusalem, nangyaplag dagiti tao kadagiti sanga ti kayo ket inyeplag met ti sabsabali dagiti lupulupot iti dalan ket impukpukawda ti naganna a sirarag-o a mangipakita iti iseserrek iti nabayagen nga inur-urayda amesias, maysa a wagas ti panagsarabo iti pangulo dagiti soldado a Romano nga agsubli a sibabaligi manipud iti maysa a gubatan. Ninamnamada nga agawen ken kotrolen ni Jesus ti Jerusalem, ti sentro ti tugaw ti bileg ti nasion. Nagturong ni Jesus iti templo, binalituagna dagiti lamisaan a nagyanan

dagiti pagsukli a pirak ken tagilako ket inabogna dagiti agtagilako nga innruar iti templo babaen iti panangramatna iti baut. Maysa a makapaluksaw a namagtigerger kadagiti otoridad iti ciudad.

Nagdardaras ketdi dagiti paguloen ti rehilion ti napan nagpulong iti gobernador TI Roma ket dinawatda ti madaras a pannakalapped ti maysa nga iyaalsa a maisuppiat iti Emperio. Nalawag nga inbaon ni Pilato dagiti soldados saan unay a tapno pagtalinaedenda ti riribuk no di tapno pasangbayenda ti kaalyadona. Nalawag ken pilato a ti inaramid ni Jesus ket maysa a simbolo ti tarigagay dagiti Judio para iti pannakawayawaya a saan ket a pudno nga asideg a peggad iti emperio. Posible met a maysa a kita ti tao ni Pilato a saan a mangitulok iti maysa nga awan kaes-eskanna a talna Romana (Roma Peace/Pax Romana)

Ngem maysa a banag ti simken ken Jesus idi simrek iti Jerusalem. Adda idiy tapno aramidenna ti intuding ti Dios a misionna – ti kasasaad nga agsagaba a Mesias. Amin a napasamak manipud idi inawatna ti ayab kenkuana idiy let-ang agingga iti kanito nga iseserrekena iti Jerusalem itudoda ti maymaysa a direksion - iti krus. Ammona ti kaipapanan ti krus iti agsagsagaba gapu iti adun dagiti naglasat iti dayta iti napalabas. Maysa daytoy a kadaksan/ kadagsenan a wagas ti ipapatay, ti kakas-angan a kitaen a wagas ti papanaw ditoy lubong. Ngem dina pay naammoan ti adda iti likudan ti kruz. Nakarkaro pay kadi ngen ti pannakailasnsana? Isu kadi pagnaan nga agturong iti nagloriaan a biag a ni kaanoman saan pay a naipakaammo nga inyawatnan a naan-anay ti gasatna iti ima ti Dios.

I. Panggep

Kalpasan daytoy a panagadal, dagiti nagadal manamnama a:

1. mailawlawag ti kayat a sawen ti agsagaba nga adipen iti konteksto ti iseserrek ni Jesus diay Jerusalem.
2. dabatienda ti isyu nga sibabaligi a sirek ni Jesus diay Jerusalem wenno saan a nagballigi;
3. maiyebkasda nga ti iseserrek ni Jesus ket isut' pagilasinan a ni Jesus ti Mesias ti lubong;
4. makalagipda iti pasamak no kasano ti panagtulnog iti Dios babaen iti buo nga panagtalek kenkuana.

II. Konsepto: Sumrek ni Jesus iti Jerusalem a mangtunpal iti naituding ken ayab kenkuana kas agsagsagaba a mesias.

Dagiti Kasapulan: Biblia, himno, activity sheet,

III. Linaon Ti Panagadal

A. Panglukat a Panagdayaw

1. Panangbasangbay: Kablaawan dagiti nataengan ken pannaki-allamano. Damagem kadakuada dagiti wagas a mangipakita ti panagtulnog iti Apo.
2. Panglukat a Kararag
3. Panglukat a Kanta: "Hosanna, Loud Hosanna" [HFJ # 148]

B. Panagsagana

1. Idalan dagiti agadal iti discussion no kasano nga makisarita ti Dios kadagiti tattao iti panawen ti Biblia. (babaen kadagiti propeta, babaen kadagiti nakaskasdaaw nga parang kas iti nasindian nga kayo a bassit, nakalma nga allon, babaen kadagiti angel, ken babaen iti tag-tagainep)
2. Saludsodem; Kasano a makisarsarita ti Dios iti agdama a panawen? Idalan ti discussion mabalin nga irugim. (Mabalin a kas idi un-unana a panawen makisarita ti Dios kadayo, wenno

babaen kadagiti panglakayen, babaen kadagiti papastor, maestro, gagayem, ti nakaparsuaan, kararag, kanta, Sunday school a leksion)

C. Panawen ti Panagadal

1. Ipalagip nga ita a Domingo ket Domingo Ramos.
2. Ibaga nga basaenda ti pakasarakan ti batayan a Nasantuan a Surat. Diskutiren dagiti bersikulo babaen kadagiti sumaganad:
 - a.) Dagiti Salmo 118:26. Padto ti Salmista nga ti Mesias umayto a sibabaligi a sumrek diay Jerusalem.
 - b.) Mateo 10:1-10. Adda ni Jesus diay Batay Olivo. Inabaonna dagiti adalanna a mapan warwaren ti tali ti asno ta daytoy ti mausar a paglugananna a sumrek diay Jerusalem. Ti asno isimbolona ti kinapakumbaba ken ti panagbalin nga adipen ni Jesus. Kas naipadto, sumrek ni Jesus diay Jerusalem ket daytoy a pasamak ti mangiparangarang ti kina-Mesias ni Jesus.

D. Panangpauneg ti Adal/Panagbibinnuray

1. Diskutiren ti leksion. Damagen dagiti sumaganad a saludsod.
 - a. Kasano nga mainaig ti Daan a Tulag iti Baro a Tulag? (Ti Daan a Tulag ket padto ti baro a tulag ken nakaipatungpalan ti padto maipapan ken Jesus, manipud iti nakristianuan nga perspektiba)
 - b. Apay a makunatayo nga ti naballigi nga iseserrek ni Jesus diay Jerusalem ket naiparangarang ti kina –Mesiasna? (nailatang nga panawen tapno ipaduyakyak ni Jesus a sisasagana nga agsagaba tapno isalakanna ti lubong)
 - c. Ammo ni Jesus nga ti iseserrekna diay Jerusalem ket panagtulnog iti Dios. Kasano nga maipakita daytoy a desisyon a ni Jesus ti agsagaba nga adipen? (sisasagana ni Jesus a matay para iti sangalubongan)
 - d. Ania ti ipakita ti asno isu a nausar saan ket a kabalio? (ti tao a nakalugan iti asno ipakitana ti kinapakumbaba ken kinaadipen)
 - e. Inpaay ni Jesus iti amin a panagtalek iti Dios ket nagtulnog nga awan kurangna. Kasano iti agdama a panawen ti klase wenno wagas ti panagtulnog dagiti tattao? (babaen iti panagtalek iti Dios nga awan kurangna)
 - f. No pinili ni Jesus ti panagsanud ket saan a nagtulnog iti Dios, ania ti napasamak iti lubong? (mabalina agsususpadi dagiti sungbat)
2. Debate. Ipresentar ti saludsod iti klase: “Naballigi kadi ti iseserrek ni Jesus diay Jerusalem, wen wenno saan?” Mangi-asayn kadagiti apirmasyon wenno saan nga ummannamong.

E. Panangdiskubre ti Adal

Saludsodem:

Apay a simrek ni Jesus diay Jerusalem? (tapno ipatungpalna ti nakaayabannna kas agsagaba a Mesias)

F. Pannagyaplikar ti Adal

1. Diskutiren iti klase ti importansiya ti panangisao ti Hosanna kadagiti karit ti panagbiag.
2. Idalan dagiti agad-adal no kasano ti panagtulnogda iti Dios tapno mapadasanda ti nawadwad unay a biag. Ipalagip dagiti ugali ken galad iti pagarian ti Dios kas koma panagayat, kinamangaasi, kappia, panaganus, pammakawan, husticia ken panagmaymaysa.
3. Damagen ti kapanpanunotanda, no kas pagarigan umau ni Jesus iti agdama, ania ti isaganam, ania ti kayatmo nga isao ken Jesus, ania ti aramidem?

G. Pangrikep a Panagdayaw

1. Panagdaton.
2. Pangrikep a Kanta: "Who is He?" (Tune: "Joyful, Joyful We Adore Thee")
3. Pangrikep a Kararag: *"Apo Dios, naawatanmi kadi ti mensahem? Nakullaapan kadi dagiti panpanunotmi ken matami babaen kadagiti expectarenmi? Ikkatem kadi dagiti sakit ti matami kas koma katarak a mangbulsek kadakami. Idalannakami tapno mailasinmi ti dalan, ti kinapudno ken iti biag. Amen!*